



焦目症

目睷是靈魂的窗仔門，天公伯仔賞賜咱人兩蕊圓輾輾、金燦燦的目睷仁，正港是世界上高級的鏡頭，閣較『jió-toh』的翕相機嘛綴伊袂著。雖罔神明有靈聖，毋過科技拚緊車，斯當時上帝針對目睷的設計，凡勢也綴袂著時代囉！

現代人的生活環境有嚴重的汙染公害，若是閣貪戀五花十色的電子產品，毋知通寶惜兩粒明珠，往往菜頭毋歧歧目睷，隨个仔隨个致著文明病——「焦目症」。啊都目睷操傷過頭，目睷碗內考旱欠水，若像焦塗必必焮焮袂爽快，常在焦澀閣刺鑿。

焦目症毋是三工兩工就來拈牢的。咱人若是定定睷無飽眠，熱天恰冷氣蹣做伙，寒天參電暖氣睷鬥陣，閣再加上電腦、電視、手機仔的螢幕綿精繩(tsîn)，無照起工來瞞目，目油姊、目屎兄貧惰慣勢，三不五時就相招喝罷工。細空毋補，大空叫苦，鼓井水定定補無夠額，落尾成做一口死泉；毋免倞久，癢癢、鑿鑿、燒燒、疼疼這四枝柱仔踎(tshāi)嶄巖，白仁頂懸紅綵結甲滿滿是。

人講：「溜溜瞅瞅，食兩蕊目睷。」目色巧的人，代誌才舞會四序。毋過自從膏著「焦」先生這箍歹朋友，我目睷微微插五色旗，親像針撼襖袂開，烏仁、白仁相爭喝救命，當頭白日煞變做月暗暝。便若拄著寒人焦燥，抑是空氣含(kânn)幼沙，往往艱苦甲喙歪目睷掣，袂輸痞豬哥，砢砢共人使目尾。

目睷若砢砢，萬項攏看 tānn，刀劍、筆尾嘛無才調弄(lāng)！對症下藥才會當添水加油，藥水、藥膏攢予便，平常時補充深海魚油恰葉黃素，嘛會當考慮去病院窒鼻淚管挽留水份，啊若焮燒是我上恰意的撇步。開百外箍銀買一塊焮燒苴仔，焮(thng)燒真簡單，浸燒滾水六、

七分鐘，若罔入去微波爐較免一分鐘，絀落來用手巾仔包予好勢，目箍焮予燒，毋免掠龍，隨時通血行氣。有水袂焦，有油袂堅巴，目睷袂砢矣！目頭誠輕鬆哩！

作者：黃文達

☆詞彙學習☆

【目睷碗】bák-tsiu-uánn：眼窩。

【砢砢】khòk-khòk：不斷重複。

【綿精】mî-tsinn：入迷。

【挽留】tau-liû：留住。

【嶄巖】tsâm-gâm：紮實牢固。

【焮燒苴仔】ù-sio-tsū-á：熱敷墊。

【溜溜瞅瞅】liu-liu-tshiu-tshiu：有眼色。

☆文法學習☆

【膏】：這個漢字有三種讀音。第一種讀音「ko」，當做名詞使用，表示濃稠的東西，像「豆油膏」、「麥芽膏」、「目屎膏」、「齒膏」；當做形容詞使用，表示濃稠的樣子，像「膏膏」。第二種讀音「koo」用於「膏藥」這個詞彙，一般讀做「ko-iòh」，泉州腔則讀做「koo-iòh」。第三種讀音「kô」，當做動詞使用，「膏著漉糊糜」表示沾到爛泥巴，「膏著有翁有某的」表示破壞別人的家庭，本文中的「膏著」表示結交的意思。